

ხელშეკრულება სახელმწიფო შესყიდვის შესახებ N1.1.17/2.9.19/20/014

ქ. თბილისი

30 იანვარი 2017 წელი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – შემსყიდველი), წარმოდგენილი გამგებლის - გელა არჩვაძის სახით და, მეორეს მხრივ, შპს „საქართველოს ტექნიკური ჯგუფი“, ს/კოდი: 200236707, მისამართი: ქ. თბილისი, თემქა, III მ/რ-ნი, IV კვარტ., კორპ. N54, ბ. N19 (შემდგომში - მიმწოდებელი), დირექტორის - გიორგი ნოზაძის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება, ხელშეკრულების ძალაში შესვლა და მოქმედების ვადა

2.1 ხელშეკრულების (შესყიდვის) ობიექტია - ქ. თბილისის მთაწმინდის რაიონის ტერიტორიაზე მდებარე ასფალტის, ქვანახაობის საფარიანი ქუჩების და შიდა ეზოების მიმდინარე შეკეთების სამუშაოების, საინჟინრო ნაგებობების (გრუნტის დამჭერი კედლები, საყრდენი კედლები და სხვა), სკვერების და სპორტული მოედნების, ფეხით მოსიარულეთა საგალი ნაწილის, წყალ-კანალიზაციის, სანიაღვრე და სადრენაჟე ქსელების, ავარიული სახოვრებელი სახლების გამაგრების (წინმსწრებ-დამზღვევი ღონისძიებები) მოწყობა/შეკეთების და სადემონტაჟო სამუშაოებისათვის საპროექტო დოკუმენტაციის, დეფექტური აქტების (ხარჯთაღრიცხვით) და საგზაო მოძრაობის ორგანიზაციის სქემის შედგენა, რომელიც განსაზღვრულია მიმწოდებლის მიერ წარმოდგენილი ფასების ცხრილით, თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება – გამარტივებული ელექტრონული ტენდერი აუქციონის გარეშე.

2.3 ელექტრონული ტენდერის განცხადების ნომერი NAT170000444.

2.4 ხელშეკრულების ღირებულება შეადგენს 91400,00 (ოთხმოცდათერთმეტი ათასობის) ლარს, ყველა გადასახადის ჩათვლით.

2.5 კლასიფიკატორის კოდი - 71322100.

2.6 ხელშეკრულება ძალაში შედის გაფორმებისთანავე და მოქმედებს 2018 წლის 31 იანვრის ჩათვლით.

3. მომსახურების გაწევის პირობები

3.1 შესყიდვის ობიექტის მიწოდება მოხდება ეტაპობრივად, შემსყიდველის მიერ გაცემული დავალებების შესაბამისად. მიწოდების საბოლოო ვადაა 2017 წლის 30 დეკემბერი.

3.2 მიწოდების ადგილი – ქ. თბილისი, მთაწმინდის რაიონის ტერიტორია.

3.3. საპროექტო და დეფექტური აქტების (ხარჯთაღრიცხვით) დოკუმენტაციის შედგენა ითვალისწინებს შემდეგი მასალის წარმოდგენას:

- ქ. თბილისის მთაწმინდის რაიონის ტერიტორიაზე მდებარე დაზიანებული ასფალტის, ქვანახაობის საფარიანი ქუჩების და შიდა ეზოების მიმდინარე შეკეთების, სამუშაოების დეფექტური აქტების და ხარჯთაღრიცხვის შედგენა შესაბამისი ესკიზით, საგზაო სამოსის კონსტრუქციით, ფოტოფიქსაციით.

- ქ. თბილისის მთაწმინდის რაიონის ტერიტორიაზე წყალ-კანალიზაციის, სანიაღვრე და სადრენაჟე ქსელების მოწყობა/შეკეთების სამუშაოების საპროექტო დოკუმენტაციის და დეფექტური აქტების (ხარჯთაღრიცხვით) შედგენა.

პროექტი უნდა მოიცავდეს - ტოპოგრაფია 1:500 მასშტაბში WGS 84 სისტემაში UTM პროექციაში, გეგმურ სიმაღლური წერტილების (რეპერის) დამაგრება X,Y,H - კოორდინატების განსაზღვრა, რეპერების დამაგრების უწყისი, გეოლოგიური დასკვნა და ჰიდროგეოლოგიური დასკვნა (საჭიროების შემთხვევაში) მუშა ნახაზები, გეგმები, ჭრილები, სქემები, ობიექტის ფოტოფიქსაცია, ადგილმდებარეობის ორთოფოტო კოორდინაცია ბადით, მშენებლობის ორგანიზაციის პროექტი, მოცულობითი უწყისი, ხარჯთაღრიცხვა (რესურსული მეთოდით) და მოქმედი სამშენებლო ნორმების და წესებით გათვალისწინებულ სხვა მოთხოვნებს.

- ქ. თბილისის მთაწმინდის რაიონის ტერიტორიაზე მდებარე საინჟინრო ნაგებობების (გრუნტის დამჭერი კედლები, საყრდენი კედლები და სხვა), სკვერების, სპორტული მოედნების, ფეხით მოსიარულეთა სავალი ნაწილის მოწყობა/შეკეთების სამუშაოების საპროექტო დოკუმენტაციის და დეფექტური აქტების (ხარჯთაღრიცხვით) შედგენა.

პროექტი უნდა მოიცავდეს - ტოპოგრაფია 1:500 მასშტაბში WGS 84 სისტემაში UTM პროექციაში, გეგმურ-სიმაღლური წერტილების დამაგრება X,Y,H კოორდინატების განსაზღვრა, რეპერების დამაგრების საწყისი, გეოლოგიური დასკვნა (საჭიროების მიხედვით), მუშა ნახაზები, გეგმები, ჭრილები, სქემები, ობიექტის ფოტოფიქსაცია, ადგილმდებარეობის ორთოფოტო კოორდინატთა ბადით, მშენებლობის ორგანიზაციის პროექტი, მოცულობითი უწყისი, ხარჯთაღრიცხვა (რესურსული მეთოდით) და მოქმედი სამშენებლო ნორმების და წესებით გათვალისწინებულ სხვა მოთხოვნებს.

სპორტულ მოედნის ან სკვერის შემთხვევაში ემატება ვერტიკალური გეგმები, დენდროლოგია, ელექტროობა, წყალკანალიზაცია, სუსტი დენები, აზომვითი არქიტექტურული ნახაზები 1:100 მასშტაბით და მოქმედი სამშენებლო ნორმების და წესებით გათვალისწინებული სხვა მოთხოვნები.

- ქ. თბილისის მთაწმინდის რაიონის ტერიტორიაზე მდებარე ავარიული შენობების გამაგრების (წინმსწრებ-დამზღვევი ღონისძიებები) და სადემონტაჟო სამუშაოების საპროექტო დოკუმენტაციის შედგენა.

პროექტი უნდა მოიცავდეს - ნაგებობის აზომვა, მუშა ნახაზები, გეგმები, ჭრილები, სქემები გეოლოგიური და ჰიდროგეოლოგიური დასკვნა (საჭიროების მიხედვით), მშენებლობის ორგანიზაციის პროექტი, მოცულობითი უწყისი, ხარჯთაღრიცხვა (რესურსული მეთოდით), აზომვითი არქიტექტურული ნახაზი (საჭიროების შემთხვევაში), ფოტოფიქსაცია და მოქმედი სამშენებლო ნორმების და წესებით გათვალისწინებულ სხვა მოთხოვნებს.

- საგზაო მოძრაობის ორგანიზაციის სქემის შედგენა.

3.4. მიმწოდებელი ვალდებულია:

- განახორციელოს შემსყიდველის მიერ მითითებულ ობიექტებზე გასვლა, აღმოჩენილი დეფექტების აღმოფხვრის მიზნით ჩასატარებელი სამუშაოების მოცულობების დათვლა, შესაბამისი დოკუმენტაციის შედგენა;

- აღმოჩენილი დეფექტების აღმოფხვრის მართლზომიერად განხორციელების მიზნით განხორციელდეს ადგილობრივ მოსახლეობასთან ურთიერთობა, ინფორმაციის მოპოვება და მათთან მიზნობრივი კოორდინირება;

- აწარმოოს საინფორმაციო მონაცემთა ბაზა გამოვლენილი დეფექტების (ფოტომასალის დართვით) და ტექნიკური დავალების აღწერის, დაარქივების მიზნით და შემდგომ ამ ბაზის შემსყიდველისათვის გადაცემა როგორც ბეჭდური, ასევე ელექტრონული ფორმით.

- გეოლოგიური სამუშაოების მსვლელობას უნდა დაასწროს შემსყიდველის მიერ წარმოდგენილი ინსპექტირების ჯგუფი.

3.5. შესასრულებელი სამუშაოების შედგენისას მიმწოდებელმა უნდა იხელმძღვანელოს ქვეყანაში მოქმედი სამშენებლო ნორმებითა და წესებით. ხარჯთაღრიცხვები შედგენილი უნდა იქნას საქართველოს მთავრობის 2014 წლის 14 იანვრის N52 და N55 დადგენილებებით გათვალისწინებული სამშენებლო ნორმების, წესების და ტექნიკური რეგულირების სხვა დოკუმენტების მოთხოვნათა შესაბამისად (რესურსული მეთოდით).

3.6. მიმწოდებლის მიერ წარმოდგენილი საპროექტო-სახარჯთაღრიცხვო დოკუმენტაცია ექსპერტიზისათვის წარედგინება შემსყიდველის მიერ შერჩეული შესაბამისი პროფილის ორგანიზაციას. შესყიდვის ობიექტის მიღება მოხდება დადებითი საექსპერტო დასკვნის წარმოდგენის შემდეგ.

4. შესყიდვის ობიექტის ხარისხი

- 4.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.
- 4.2. მიმწოდებლის მიერ წარმოდგენილი დოკუმენტაცია საექსპერტო დასკვნისათვის გადაეცემა შემსყიდველის მიერ შერჩეულ შესაბამისი პროფილის ორგანიზაციას (ექსპერტიზის მომსახურების ღირებულების ანაზღაურებას უზრუნველყოფს შემსყიდველი).
- 4.3. შემსყიდველი ვალდებულია წერილობითი ფორმით დაუყოვნებლივ აცნობოს მიმწოდებელს ნაკლის აღმოჩენის შესახებ.
- 4.4. შეტყობინების მიღების შემდეგ მიმწოდებელი ვალდებულია შემსყიდველის მიერ მითითებულ ვადაში აღმოფხვრას არსებული დეფექტები საკუთარი ხარჯით. მიმწოდებელს დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.
- 4.5. თუ მიმწოდებელი ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, შემსყიდველს უფლება აქვს მიმწოდებლის ხარჯით უზრუნველყოს არსებული დეფექტების გამოსწორება.

5. ხელშეკრულების შესრულების კონტროლი (ინსპექტირება)

- 5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.
- 5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მთაწმინდის რაიონის გამგეობის თანამშრომელთა ჯგუფი შემდეგი შემადგენლობით: გამგეობის მოადგილე - გიორგი ჯიქია, ინფრასტრუქტურული პროექტების მართვისა და პროექტირების განყოფილების უფროსი - გრიგოლ ტულუში, მთავარი სპეციალისტები - ვიქტორ ფარჯანაძე, ზაზა ტურშილაძე, გიორგი ქერაშვილი, იური გუბელიძე, ზაზა მეზურნიშვილი და შალვა ბაინდურაშვილი.
- 5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
- 5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტი ან მისი ნაწილი ჩაითვლება მიღებულად დადებითი საექსპერტო დასკვნის წარმოდგენის საფუძველზე გაფორმებული მიღება-ჩაბარების აქტის შემდეგ.
- 6.2 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.
- 6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება მოხდება ადგილობრივი ბიუჯეტის სახსრებით ეტაპობრივად, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

7.3 მიმწოდებელზე პირგასამტეხლოს დაკისრების შემთხვევაში შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული პირგასამტეხლოს გადახდის შემდეგ.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის (ნაწილის) მიწოდების ვადის დარღვევის შემთხვევაში გადაუხადოს პირგასამტეხლო შემსყიდველს ხელშეკრულების საერთო ღირებულების 0,1%-ის ოდენობით ყოველ ვადაგადაცილებულ დღეზე.

8.3 შესყიდვის ობიექტის (ნაწილის) მიწოდების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, რაც გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.5 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,5%-ის ოდენობით, ყოველ ვადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება, მიმწოდებლისათვის დაკისრებული პირგასამტეხლოს თანხის გადახდის შემდეგ.

9.7 ხელშეკრულების შეწყვეტა შესაძლებელია აგრეთვე მხარეთა ურთიერთშეთანხმებით, საქართველოს კანონმდებლობით გათვალისწინებული პირობებით.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. უსაფრთხოება და გარემოს დაცვა

11.1 მიმწოდებელმა მომსახურების გაწევის დროს საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელმა უნდა უზრუნველყოს მუშაობით გამოწვეული ხმაურის, ვიბრაციის და მტკრის გავლენის მინიმუმადე დაყვანა.

11.4 მიმწოდებელი ვალდებულია დაიცვას საქართველოში მოქმედი კანონმდებლობით დადგენილი უსაფრთხოების ნორმები. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14. ღირებულების შეცვლის პირობები

14.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

16.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

16.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.


17.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

18. მხარეთა იურიდიული რეკვიზიტები

შემსყიდველი:

ქ. თბილისის მუნიციპალიტეტის
მთაწმინდის რაიონის გამგეობა
ს/კოდი: 204521954
მის: ძმ. ზუბალაშვილების ქ. №48.
ხაზინის ერთიანი ანგარიში
სახელმწიფო ხაზინა
ბანკის კოდი TRESGE22


ელა არჩვაძე



მიმწოდებელი:

შპს „საქართველოს ტექნიკური ჯგუფი“,
ს/კოდი: 200236707,
მისამართი: ქ. თბილისი, თემქა, III მ/რ-ნი, IV
კვარტ., კორპ. N54, ბ. N19
სს „საქართველოს ბანკი“
ა/ა № GE87 BG 0000 0002 0413 0700
ბანკის კოდი BAGAGE22


გიორგი ნოზაძე



გასაწევი მომსახურების
ფასების ცხრილი

N	გასაწევი მომსახურების დასახელება	განზომი ლება	შემსყიდველის მიერ შესასრულებელ ი სამუშაოს მოცულობა	მიმწოდებლის მიერ გასაწევი მომსახურების ერთეულის ფასი (ლარი)	სულ მომსახუ რების ღირებუ ლება (ლარი)
1	ქ. თბილისის მთაწმინდის რაიონის ტერიტორიაზე მდებარე დაზიანებული ასფალტის, ქვანაღების საფარიანი ქუჩების და შიდა ეზოების მიმდინარე შეკეთების, სამუშაოების დეფექტური აქტების და ხარჯთაღრიცხვის შედგენა შესაბამისი ესკიზით, საგზაო სამოსის კონსტრუქციით, ფოტოფიქსაციით	მ²	50 000	0,35	17500,00
2	ქ. თბილისის მთაწმინდის რაიონის ტერიტორიაზე წყალ-კანალიზაციის, სანიაღვრე და სადრენაჟე ქსელების, ფეხით მოსიარულეთა სავალი ნაწილის, სკვერების და სპორტული მოედნების მოწყობა/შეკეთების სამუშაოების დეფექტური აქტების (ხარჯთაღრიცხვით) შედგენა	ლარი	300 000	0,035	10500,00
3	ქ. თბილისის მთაწმინდის რაიონის ტერიტორიაზე წყალ-კანალიზაციის, სანიაღვრე და სადრენაჟე ქსელების, საინჟინრო ნაგებობების (გრუნტის დამჭერი კედლები, საყრდენი კედლები და სხვა), სკვერების, სპორტული მოედნების, ფეხით მოსიარულეთა სავალი ნაწილის და ავარიული სახოვრებელი სახლების გამაგრების (წინმსწრებ-დამზღვევი ღონისძიებები) და სადემონტაჟო სამუშაოების საპროექტო დოკუმენტაციის შედგენა	ლარი	1 700 000	0,037	62900,00
4	საგზაო მოძრაობის ორგანიზაციის სქემის შედგენა	ცალი	10	50,00	500,00
	ჯამი	X	X	X	91400,00

შემსყიდველი:

გელა არჩვაძე



მიმწოდებელი:

გიორგი ნოზაძე

